



Aningaasaqarnermut Nunamullu Namminermt
Naalakkersuisoq

Ulloq: 01-06-2021
J.nr.: 01.31.06/21 - 00934

Aningaasaqarnermut Akileraartarnermullu Ataatsimiititaliap tallimangornermi ulloq 28. maj 2021-mi aalajangiineranik Naalakkersuisunut ilisimatitsineq

Konto pingaarnermut 50.06.25 Aalisarneq pillugu ataatsimiititaliarsuarmut ilassutitut aningaasaliissuteqarnissamik qinnuteqaat – Suliaq nr. 01.31.06/21 – 00934

”Naalakkersuisut inassutigaat:

- Konto pingaarnermut 50.06.25 - Aalisarneq pillugu ataatsimiititaliarsuarmut aningaasaliissutit 2021-mi 1.000.000 kr.-nik ilaneqassasut, aamma
- Suliniutinut nutaanut sillimmatit pillugit konto pingaarnermut 20.11.70-imut aningaasaliissutit 2021-mi 1.000.000 kr.-nik ikilineqassasut.”

Aningaasaqarnermut Ataatsimiititaliap oqaaseqaatai

Aningaasaliissuteqarnissamik pisariaqartitsisoqarnissaa ilimagineqarsinnaasimagaluartoq Aningaasaqarnermut Ataatsimiititaliap isumaqarpoq. Aningaasat suminggaannissanersut isumaqatigiinngissutigineqaraluartoq ataatsimiititaliarsuup sulinera naammassineqartariaqartoq ataatsimiititaliamit isumaqatigiissutigineqarpoq.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliami amerlanerussuteqartunit Inuit Ataqtigiinneersunit, Naleqqameersunit, Demokraatineersunit Atassummeersunillu akuerineqarput.

Inassuteqaatit ikinnerussuteqartunit Siumumeersunit imalu ikinnerussuteqarlutik oqaaseqaateqarumasunit itigartinneqarput:

”Aningaasaqarnermut Akileraartarnermullu Ataatsimiisitaliamut immikkut ittumik Naalakkersuisut 1 mio.-inik nalilimmik, aalisarnermut ataatsimiisitaliarsuup sulinerata kinguaattoorneranut atatillugu, aningaasaleeqittoqarnissaanut Siumup erseqqissaatigissavaa, Siumup aalisarnermut inatsisissap pitsaasumik ataatsimiisitaliarsuup pitsaasumik innersuussaqaarnissaa qulakkeerniarlugu aningaasaleeqittariaqarneq immineq ajorinngimmagu. Taamaattorli Siumup isumaqatigisinnaanngilluinnarpaa aningaasaleeqqinnerunissami aningaasat 1 mio. Aalisarnermut Inatsimmimmi 1990-ikkunneersup qulaajaaffigineqarnissaanut aningaasat immikkoortitat 2,5 mio. 1

mió.-inik aallerfiginiarneqartussanngornera. Tamatumani Siumup qulaajaatitsinissamik kisiartaalluni illersuileraimanera maluginiarparput, aammalu ilanngartuinissamut akuerseqataasut uppersisimmassuk qineqqusaarnermi oqaatigisimasaminnik neriorsuutigisimasaminnillu (partii ataaseq minillugu) akisussaaffimmik qimarratiginninnerat aammalu aalisartut ingerlaqqikkusuttunik eqqunngitsumik pineqarsimasorineqartut qulaaffigineqarnissaannut tapersuisuusaarsimaneq aammalu qineqqusaarutaannartut atorneqarsimanagerat. Tamannalu Siumumiit tupigusuutigeqaarput assullu ilungersunartutut isumaqarfigalugu.

Siumuminngaanniillu siunnersuutigigaluarparput Naalakkersuisut aningaasat konto allaminngaanniik aaneqarnissaat suliarineqaqqaassasoq.”

Ataatsimiititaliaq sinnerlugu



Paneeraq Olsen

Aningaasaqarnermut Akileraartarnermullu Ataatsimiititaliap siulittaasua